

十朝东华录

道光朝

第八
函七册

道

江苏工业学院图书馆

藏书章

光

朝

光緒二十五年
仿泰西法石印

東華錄目錄

道光一

起嘉慶二十五年七月己卯盡九月

道光二

起嘉慶二十五年十月盡十二月

道光三

起道光元年正月盡六月

道光四

起元年七月盡十二月

道光五

起二年正月盡六月

道光六

起二年七月盡十二月

道光七

起三年正月盡六月

道光八

起三年七月盡十二月

道光九

起四年正月盡六月

道光十

起四年七月盡十二月

道光十一

起五年正月盡六月

道光十二

起五年七月盡十二月

道光十三

起六年正月盡六月

道光十四

起六年七月盡十二月

道光十五

起七年正月盡六月

道光十六

起七年七月盡十二月

道光十七

起八年正月盡六月

道光十八

起八年七月盡十二月

道光十九

起九年正月盡六月

道光二十

起九年七月盡十二月

道光二十一

起十年正月盡六月

道光二十二

起十年七月盡十二月

道光二十三

起十一年正月盡六月

道光四十七	道光四十六	道光四十五	道光四十四	道光四十三	道光四十二	道光四十一	道光四十	道光三十九	道光三十八	道光三十七	道光三十六	道光三十五	道光三十四	道光三十三	道光三十二	道光三十一	道光三十	道光二十九	道光二十八	道光二十七	道光二十六	道光二十五	道光二十四
起二十三年正月盡六月	起二十二年七月盡十二月	起二十二年正月盡六月	起二十一年七月盡十二月	起二十一年正月盡六月	起二十年七月盡十二月	起二十年正月盡六月	起十九年七月盡十二月	起十九年正月盡六月	起十八年七月盡十二月	起十八年正月盡六月	起十七年七月盡十二月	起十七年正月盡六月	起十六年七月盡十二月	起十六年正月盡六月	起十五年七月盡十二月	起十五年正月盡六月	起十四年七月盡十二月	起十四年正月盡六月	起十三年七月盡十二月	起十三年正月盡六月	起十二年七月盡十二月	起十二年正月盡六月	起十一年七月盡十二月

道光四十八

起二十三年七月盡十二

道光四十九

起二十四年正月盡六月

道光五十

起二十四年七月盡十二月

道光五十一

起二十五年正月盡六月

道光五十二

起二十五年七月盡十二月

道光五十三

起二十六年正月盡六月

道光五十四

起二十六年七月盡十二月

道光五十五

起二十七年正月盡六月

道光五十六

起二十七年七月盡十二月

道光五十七

起二十八年正月盡六月

道光五十八

起二十八年七月盡十二月

道光五十九

起二十九年正月盡十二月

道光六十

起三十年正月盡十二月

宣宗成皇帝 仁宗第二子也 母孝淑睿皇后喜塔臘氏原任總管內務府大臣副都統追封承恩公和爾經額之女以乾隆四

十七年壬寅八月初十日寅時誕 上於擴芳殿中所表挺奇宸儀協度順身隆準玉理珠衡自六齡就傅維時編修奉業檢

討萬承風先後侍學經史融貫奎藻日新造學問已成猶復時敏修來興禮部右侍郎汪廷珍翰林院侍讀學士徐顯朝夕講論

聖業益精功即神武習勇天錫乾隆辛亥秋侍 高宗純皇帝行 闡威遠格爾引弓獲鹿喜動 天顏黃裙翠翎 寵賚優渥 御

製詩堯年避暑奉 慈甯樺室安居聰敬聽老我策驄向武服功孫中鹿賜花翎是宜誌事成七律所喜事先早二齡蓋 高宗以

十二歲時木蘭從獵初圍得熊 上則初圍得鹿年甫十齡也 詩又云 家法永遵縣奕葉承 天恩悅慎儀刑則期勗之意深

矣嘉慶元年丙辰冬十一月乙丑 賜成大婚禮是為 孝穆成皇后越甲申 仁宗奉 高宗幸中所進膳 上捧觴上 壽鞠

臚承 歡 兩朝恩眷日加隆焉四年己未四月初十日 仁宗遵密建 家法 親書 上名緘藏鐫匣默體 先志慎簡元良

由是 壽皇展拜則 命隨行 裕陵敷土則 命恭代隱然以神器攸歸面稽 列聖貢承對越胥寓 深心 上天性純孝晨

昏問視養 志無違自丁巳春當 孝淑睿皇后大事悲深罔極辦踊逾恒 仁宗俯鑒肫誠每值忌辰及清明中元冬至 命躬

親行禮用遂孝思 上撫慕銜哀屢形章句數十年如一日焉自密定儲貳後 仁宗保愛彌至屏竊測杜猜疑用意深遠見於

毓慶宮題詠者不啻再三而長夏延涼則有瀛臺讀書之 命仲春肄武則有南苑習圍之 命以及 經筵聽講紫閣程材乃武

乃文 心傳若揭至於 郊 壇之祈報 陵 廟之薦享時復主聖代行靈承景福十三年戊辰正月 孝穆成皇后升遐 特

命座單用金黃色等威區別垂為令典是年十二月復 賜成大婚禮是為 孝愷成皇后舊制舉行獮典 皇子扈蹕木蘭十八

年癸酉九月因陰雨減圍 上先期還京而逆匪犯關之變作 上丕提聖武立平大難偕 皇三子縣愷飛章 行在奏言本月

十五日午刻子臣等在書房聞各處太監關門總管常永貴等獲賊二名將近未刻以為無事商同至儲秀宮給 皇母請 安聞

有賊越牆從內右門西邊入子臣實出無奈大膽差人至所內取進搬袋烏槍腰刀惟時外兵未進不料五六賊在養心門對面南

牆外膳房房上從西大牆欲向北竄子臣手足失措大膽在宮內放槍將一賊打墜又有兩三賊仍在牆上一賊手執白旗似有投

揮子臣復將執旗賊打墜餘者方不敢上牆子臣復至儲秀宮奏明請子臣 皇母放心切屬子臣三弟不許稍離左右子臣至西

長街西廠一帶訪查縣志奕紹成親王儀親王內務府大臣先後帶領官兵進內子臣屬令將內膳房搜捕復得賊二人並派諸達

侍衛在儲秀宮東長街以防不然而子臣 皇母同貴妃等位及子臣等並九公主仰賴 皇父威福均皆平安伏祈 聖心寬慰

仁宗旋蹕白淵行宮中途得奏 批答云欣慰覽之即有恩旨遂封 上為智親王增俸萬二千號所御槍曰威烈 諭內閣曰

係內廷皇子一聞有警自用槍擊疑一賊餘始紛紛潛匿實屬有膽有識乃奏稱大膽無奈詞語謹飭殊覺過當朕垂淚覽之

可嘉之處筆不能宣宮廷內地奉有 祖 考神御 皇后見亦在宮身先捍衛保護安全實屬忠孝兼備朕於在廷臣工有功必賞今皇子能如此忠勇自效豈容稍靳恩施此大公之心內外諸臣當共知感知奮也 上既戡亂禁中功在 社稷而 聖德淵冲不自滿假謝 恩奏言事在倉卒又無禦賊之入勢不由己幸叨 天 祖 皇父 皇母鴻福卻賊無事于 臣 年幼無知於事後愈思愈恐所有 恩綸獎諭之處 臣 有何謀何勇實不敢當若論忠孝二字 臣 之所當然至矣哉有大能謙不矜不伐 聖人之功超邁前古 聖人之量亦復越尋常矣 上宅心澹定珍奇玩好之物略不關懷定省餘閒日與詩書相砥礪 仁宗課以詞翰或呈進歌頌或廣和 天章日衍月增積成巨帙養正書屋詩文集四十卷麟麟炳炳極宇宙之大觀養正書屋者 仁宗受璽初元 御書賜 上園居之額也 勉以育德 示以聖功帝王之學備焉 上祇奉 訓誨身體力行者主敬存誠勤學改過四箴以自勵臨御後移 璇題於寢殿 前言敬釋顧諟弗忘蓋 聖學欽承用誌終身之慕如此二十三年戊寅 仁宗東巡盛京 展謁 三陵 命 上隨侍行禮瞻仰 太祖 太宗所藏法物俾知 締造維艱守成匪易復 御製大禮慶成記首述高宗密建隆恩卽繼以承 先猷而啓後嗣殆微示付託得人克繼 祖武之意蓋誕膺多祐 聖 聖相承用能寅紹丕基錫天下臣庶以無疆之福也○嘉慶二十五年庚辰秋七月戊寅 仁宗不豫時駕幸 瀋陽 上隨扈行在額 天虔禱問視彌謹己卯 仁宗疾大漸召御前大臣賽 冲阿索特納木多布齋軍機大臣托津戴均元盧 蔭溥文孚總管內務府大臣禧恩和世泰公啓錫 匣宣示 御書立 上爲皇太子戊刻 仁宗崩 上稽顙大慟擗踊無算恭視小殮畢號慟仆地良久方起○庚辰 上以依清曠東直房爲倚廬席地寢苦每日哭奠盡哀○諭軍機大臣等 皇考大行皇帝臨御天下二十五年 深仁厚澤普治寰區今巡幸 瀋陽 遽焉 龍馭上賓朕搶地呼天攀號莫及 梓宮爲萬世闕藏之器此間並無合制良材朕心益覺難安京城原有豫爲儲備者著留京王大臣內務府大臣卽派委員設法運送前來飭令晝夜行走能早一刻務趨緊一刻卽將蓋底折開用簞包裹俟到此間再行合成均無不可總以迅速爲要萬勿刻遲再朕三弟五弟俱應速來叩謁 几筵著令其乘車前來但青車恐不能妥遽著留京王大臣卽備安速車輶轡備乘坐以便克期起程○諭 皇考大行皇帝龍馭上賓朕搶地呼天攀號莫及卽日恭奉 梓宮回京沿途 蘆殿並橋梁道路著方受疇卽速豫爲籌備該督受 皇考深恩務盡心受辦萬不可草率遲誤是爲至要○辛巳尊奉 母后爲 皇太后○命御前侍衛吉倫泰馳驛回京請 皇太后安○晉封惇郡王縣愷爲惇親王封縣愷爲惠郡王○諭軍機大臣等儀親王成親王皆朕之伯恭聞 皇考大行皇帝大事必皆逾情悲感但俱已年高勉加節抑不必遽道來迎均卽在京祇候恭接 梓宮再朕初承大統苦塊之際智慮煩費儀親王成親王有應行陳善納誨之處當啓牘朕東母有所隱○留京王大臣等奏本日卯刻突聞 大行皇帝龍馭上賓慘慟悲切得旨與言及此五內如焚又奏 皇上至孝性成受 大行皇帝付託之重跪求節哀批才疏德薄哀懼日增 聖恩深厚甚懼有孤 付託之重惟願爾王大臣輔弼親躬勉求治道同心同德

仰承 還訓朕之至願也又奏保攝 聖躬上慰 大行皇帝在天之靈下答天下臣民之望批曷敢當此又奏查得內務府有乾

隆年間備用枋木 梓宮一分向係拆散收貯便於包裹行走可期迅速並將 梓宮外槨包妥於本日午刻自京起程批辦理甚

好又奏 梓宮內應用各件俱已檢齊恭齋赴園與惇郡王五阿哥同看批想必慟絕矣○癸未奉 皇太后懿旨我 大行皇帝

仰承 神器俯育寰區至聖至仁憂勤惕厲於茲二十有五年矣本年舉行秋獮大典 駐蹕避暑山莊突於二十五日戌刻 龍

馭上賓驚聞之下悲慟搶呼攀號莫及泣思 大行皇帝御極以來兢兢業業無日不以天下國家為念今哀遽 升遐嗣位尤為

重大皇太子智親王仁孝聰睿英武端醇見隨行在自當上膺 付託撫馭黎元但恐倉卒之中 大行皇帝未及明諭而皇太子

秉性謙冲京所深知為特降懿旨傳諭留京王大臣馳寄皇太子即正尊位以慰 大行皇帝在天之靈以順天下臣民之望 上

奉 懿旨愴感靡極恭摺覆 奏本月二十五日 皇父聖躬不豫至戊刻大漸子臣震驚哀慟五中摧裂昏迷失據維時御前大

臣軍機大臣內務府大臣恭啓鑄匣有 皇父御書嘉慶四年四月初十日卯初立皇太子殊諭一紙該大臣等合詞請遵 大行

皇帝成命以 宗 社為重繼承大統子臣 遜讓至再至三該大臣等固請不已本日恭奉 懿旨命子臣即正尊位 皇父 皇

母 恩慈深厚子臣伏地叩頭感悚不能言喻惟是子臣 德薄才疏神器至重責深愧懼惟有勉力圖治以期仰副 恩慈深厚錫

匣所藏 皇父殊諭恭呈懿覽謹繕摺覆奏恭謝 慈恩伏祈 聖母皇太后懿鑒○召在籍翰林院侍講秦承業來京

八月甲申朔辰刻 大行皇帝大殮奉安 梓宮於澹泊敬誠殿 上奏慰 皇太后並慮 慈躬過哀另摺請 安○乙酉諭朕

受 皇考大行皇帝鞠育深恩昊天罔極本年 巡幸豫陽朕沿途隨扈 聖躬乃遭疾三日遂至大漸搶地呼天追攀莫及敬維

皇考臨御二十五年萬平寇亂撥靖兆民胥肝勤勞曾無一日稍紓 聖慮薄海臣黎仰荷 仁帡共享昇平之福今猝遭大故

凡有血氣者悲哀感戀罔非出於至誠況朕之受 恩深重萬倍恒常者乎欽奉 皇考遺詔喪服仍依舊制二十七日而除朕心

實所難安惟有恪遵古制敬行三年之喪庶幾稍盡哀慕之忱於萬一天下臣民仍照定例行○越南國王阮福映卒嗣子阮福駁

遣陪臣詣闕告哀貢方物○丙戌諭方受囑飭知承辦橋道各州縣不可藉名科派累民○免直隸承德府屬及經過宛平等五縣

明年錢糧○丁亥諭伊古神聖之君厥有顯號鴻稱光昭萬世鉅典不可易也我 皇考大行皇帝御宇二十五年自初元 受璽

躬聆 皇祖訓政三年孝敬肫誠史冊罕覯洵乎 親政整飭綱紀儆於有位文勵厥職武詰爾戎於是西南三省遺誅之寇悉就

蕩平萬里鯨波氛霧奄熄數年之閒海宇乂安我國家幅員之廣亘古所無 皇考撫綏中外兢兢業業敬 天法 祖 勤政

愛民 壇 廟大祀畢必 躬親歲謁 橋山終身孺慕陪都再 泣緬述 前猷 六聖實錄長興禪誦歲無虛日用人行政之

道咸式遵焉 泣位之初首杜貢獻崇獎清康用俾疆吏無敢朘削以厚民生 披覽章奏 召見臣工盛暑祁寒數十年未嘗一

日或閒 惠愛黎元蠲除賑貸靡有數計拯救周患屢舉大工已饑之懷恒孜孜焉若恐後時 訓誨宗室 詰誠八旗儆怠

以教臣工除惡以安俗兆欽恤庶獄明慎不留斟酌刑章嚴密當隆教養以崇本務仁賢能以端治原此皆我 皇考實心實政天下臣民所共見共聞者也至於 聖學淵深大文炳煥發揮道奧則旨約六經涵泳性天則義賅四始詩文之集超越古今歲詣木蘭 躬親肄武修明戎備赫聲濯靈不啓邊功四裔舊服此又道綜文武統千聖而邁百王者也予以藐躬仰承 遺命寅奉丕基緬維 皇考功德之隆巍巍蕩蕩莫聲名言宜稽徽美之稱用備尊親之典敬循禮制恭上 尊諡 廟號著大學士九卿詳察典禮具奏○戊子頒 大行皇帝遺詔○己丑命議行三年之喪卻羣臣以「易月之請」○以河南儀封漫口准淮商捐銀一百萬兩豫備工需○辛卯諭本日熱河總管祥紹高年呈進食物當即斥駁因思各省督撫鹽關向有呈進方物若不豫行宣諭恐仍循例相率入貢朕方在諒陰之中食處皆所不安著通諭各省督撫鹽政織造關差等一應貢獻槩行停止即食品亦不准進呈俟三年之後再候諭旨○壬辰諭養心殿佛堂供奉 考 妣神牌嘉慶二年恭奉 皇祖敕旨每代遞遷四年 皇考大行皇帝欽遵奉移 聖祖仁皇帝 孝恭仁皇后神牌於 壽皇殿奉移 世宗憲皇帝 孝聖憲皇后神牌於西龕之東恭奉 高宗純皇帝 孝儀純皇后神牌於西龕之西朕祗循 成法不敢有踰應請 世宗憲皇帝 孝聖憲皇后神牌奉移 壽皇殿敬請 高宗純皇帝 孝儀純皇后神牌奉移於西龕之東俟恭上 皇考 皇妣尊諡後祗造 神牌清吉供奉於西龕之西用昭妥侑所有

一切派員奉移各事宜著該衙門敬謹豫備其圓明園 安佑宮亦敬謹照此恭移安奉○癸巳諭古稱三年之喪達乎天子持服特其一端昨據王大臣等請依舊制以日易月業經降旨明白宣諭朕受 皇考大行皇帝深恩昊天罔極梓遭大故創鉅痛深惟有恪守禮經藉申哀悃非以持服三年遂為盡孝也今王大臣等復以本朝服制定儀合詞奏請覽奏愈增哀慟敬思雍正十三年 世宗憲皇帝大喪 皇祖高宗純皇帝係持服百日嘉慶四年 皇祖大喪 皇考大行皇帝亦持服百日俱因臣工等籲請再三未遂 聖志朕孺慕私忱雖切亦何敢有踰舊章不得已勉從所請恭遇 郊社 宗廟祀典朝儀一切服色著王大臣等均查照成例敬謹辦理不必再行演請○諭乾隆四十一年十一月恭奉 皇祖高宗純皇帝諭旨縣字為民生衣被常稱九難回避將來繼體承統者當以脩作 則係不經用之字缺筆亦易等因欽此今朕當欽遵 成命將御名上一字敬改至臣下循例敬避上一字著缺一點下一字將心字改寫一畫一撇其奉旨以前所刻書籍俱無庸追改尋肅親王永錫等奏臨文不諱 聖主不以為嫌而臣子之心究多惶悚謹按康熙字典甯字註乃定切引漢書永以康甯一語與 御名下一字意義相通嗣後文移奏牘恭請避為甯字得旨既知臨文不諱何用瑣瑣伍遵前旨改寫一畫一撇又奏前代避諱原有改用音相近者批不可為法○甲午移直隸南隄九工霸州淀河巡檢駐六工下汎南岸六工霸州州判駐六工上汎○乙未恭奉 大行皇帝梓宮還京師先一日 上諭 凡筵前行啓奠禮自是日詣 蘆殿朝夕哭奠盡哀○己亥以橋道穩固加方受囑太子太保餘升賞有差○乙巳 大行皇帝梓宮至京師奉安於乾清宮 上居上書房苦次自是日至壬戌每日親詣 凡筵前奠獻三次奉 皇太后居弘德殿每日親詣

諸問 安○丙午 上詣 大行皇帝几筵前行殷奠禮○諭 皇祖高宗純皇帝嬪御存者惟 晉貴人一人宜崇位號以申敬

禮謹尊封爲 晉妃所有應行事宜著該衙門 奏例具奏○諭 皇考大行皇帝妃嬪承侍宮闈恪恭淑慎均宜加崇位號以表專

榮 誠貴妃侍奉 皇考最久年齒亦尊謹尊封爲 誠禧皇貴妃 如妃誕育惠郡王尊封爲 如貴妃 信嬪晉封爲 信妃

恩貴人晉封爲 恩嬪 榮貴人晉封爲 榮嬪 安常在晉封爲 安嬪所有應行事宜著各該衙門 奏例具奏○丁未諭悖

親王瑞親王惠郡王釋服後仍著戴用紅絨結頂朝服蟒袍俱用金黃色○戊申 上詣 大行皇帝几筵前行周月祭禮○大學

士九卿等奏擬上 大行皇帝 廟號 尊諡曰 受天興運敷化綏猷崇文經武孝恭勤儉端敏英哲睿皇帝天下萬世稱曰

仁宗睿皇帝奏入 上曰廷臣所擬詳慎公允於 皇考聖德神功實相符合深協朕懷○頒 大行皇帝遺詔於朝鮮琉球暹羅

越南緬甸等國○准發遣吉林黑龍江人犯分別改發新疆及雲貴兩廣等處著爲令○庚戌 上卽皇帝位於太和殿遣官告祭

天地 太廟 社稷是日詣 大行皇帝梓宮前行祭告禮詣弘德殿 皇太后前行禮畢出 御殿行禮免宣表頒詔天下

以明年爲道光元年加恩中外罪非放所不原者咸赦除之○諭朕長兄大阿哥早年殤逝朕兄弟僅有五人慘懷同氣著追封

爲郡王應行典禮著宗人府會同禮部內務府酌議具奏尋封爲穆郡王○諭朕冲齡就傅時原任侍郎萬承風在上書房授讀盡

心講貫深資啓沃宜加崇秩以獎前勞著晉贈禮部尚書銜加恩追諡該衙門 奏例具奏其子監生萬方熙並著賞給舉人准其一

體會試以示朕眷懷舊學至意尋奏予祭一次諡文恪○加黃錢劉鏞之賽冲阿孫王庭蔣攸銘太子少保○辛亥詔停本年秋決

○是月賑河南許州地震災貸盛京彰武臺邊門等處被淹兵丁一年錢糧並給修屋費貸巨流河等處一月口糧緩徵江南徐州

府屬修堵借用庫銀

九月己未尊 大行皇帝陵曰 昌陵○庚申諭七月二十五日勦遭 皇考大行皇帝大故彼時軍機大臣敬擬 遺詔朕在諒

闇之中哀慟迫切未經看出錯誤之處朕亦不能辭咎但思軍機大臣多年承旨所擬自不至有誤及昨內閣繕呈 遺詔副本以

備宮中時閱朕恭讀之下末有 皇祖降生避暑山莊之語因請 皇祖實錄跪讀始知 皇祖於康熙辛卯八月十三日子時

誕生於 雍和宮邸復徧閱 皇祖御製詩集凡言 降生於 雍和宮者三見集中因命大學士曹振鏞協辦大學士尚書伯麟

尙書英和黃鉞傳旨令軍機大臣明白回奏據稱恭查 大行皇帝御製詩初集第十四卷 萬壽書節率王公大臣行慶賀禮恭

紀詩註恭載 高宗純皇帝以辛卯歲誕生於山莊都福之庭又第六卷 萬壽書節率王公大臣等行慶賀禮恭紀詩註相同至

實錄未經恭閱不能深悉等語朕敬釋 皇考詩內語意係泛言山莊爲都福之庭並無 誕降山莊之句當日擬註臣工誤會

詩意茲據軍機大臣等稱 實錄未經恭閱尙屬有辭至 皇祖御製詩集久經頒行天下不得謗爲未讀實屬巧辨除托津戴

均元保已年老無庸在軍機處行走並不必恭理喪儀與盧蔭溥文字一併交部嚴加議處盧蔭溥文字年力尙強與托津戴均元

行走班次在前者有閒仍留軍機大臣 遺詔布告天下為萬世徵信豈容稍有舛錯不得不將原委明白宣示中外著將此旨通

諭知之尋降托津戴均元四級盧蔭鴻文字五級均留任○諭軍機大臣等據斌靜等奏圖舒克塔什卡倫外之沖巴噶什愛曼布

魯特比蘇爾奇串通薩木薩克之子張格爾滋事賊眾約有三百餘人業將圖舒克塔什卡倫官兵殺傷並將伊里斯里克卡倫馬匹

搶去其呈報公文馬兵二名被賊匪殺害色普徵額帶同官兵追捕殺賊五十餘名生擒賊八十餘名賊即紛紛逃竄出卡見調葉

爾羌官兵三百名烏什官兵三百名伊犁派兵二千名俟官兵到來即帶兵進剿等語此事恐斌靜不能辦理色普徵額亦僅能

帶兵未能籌畫全局調度得宜著慶祥接奉此旨即日選派得力將備兵丁星夜兼程馳赴該處將為首滋事賊匪奮力擒捕訊明

謀叛情由按律嚴辦其餘脅從之犯不可株連妄加殺戮致令回眾相率惶懼別滋事端是為至要再此次蘇爾奇等滋事究因何

起釁是否係內地官兵因事激變並著慶祥到彼後詳細察訪如有激變情事據實參奏勿得稍有瞻徇其伊犁將軍事務著慶祥

於領隊大臣內擇一老成曉事者令其暫行代辦將此由六百里諭令知之○命恭纂 大行皇帝實錄○命大學士曹振鏞尚書

黃錢英和在軍機大臣上行走○王戊以那彥成為理藩院尚書調和桂為倉場侍郎善慶為禮部左侍郎文孚為工部右侍郎轉

禮恩為戶部左侍郎調廉善為戶部右侍郎那清安為刑部左侍郎書敏為禮部右侍郎以潤德為盛京兵部侍郎_{御吏}○命

吏部尚書協辦大學士吳璥督理河南儀封河工調劉鏞之為吏部尚書茹葵為兵部尚書盧蔭鴻為工部尚書黃錢為戶部尚書

以汪廷珍為禮部尚書顧德慶為左都御史調湯金釗為吏部左侍郎以吳烜為禮部右侍郎_{出翰林院學士遷}○癸亥奉移 大行皇

帝梓宮於觀德殿 上哀號瞻戀不忍暫離每日親臨奠獻奉 皇太后居後殿 上居承恩殿苦次每日問 安○撥銀五十餘

萬兩增培南河隄岸代賑○甲子 上詣 大行皇帝几筵前行初祭禮○諭直省大小官員自雍正年間開設養廉由督撫以至

州縣藉以為辦公之資迄今將屆百年督撫司道俸廉較厚者尚敷公用至府廳州縣養廉止此定額而差務之費捐攤之款日益

加增往往有全行坐扣祿入毫無者雖在潔清自好之吏一經履任公事叢集難為無米之炊勢不得不取給陋規以資挹注而不

肖者則以為火取多取均干吏議轉恣意徵求除辦公之外悉以肥其私囊上司心知通省官吏莫不皆然豈能舉行糾劾遂陽禁

而陰縱之於是真斂盜取之風日甚一日而閭閻之蓋藏繁耗於官司之胥削民生困敝職此之由與其私以取之何如明以與之

朕思國家立制必循名責實始能奉行無弊直省相沿陋規如舟車行戶火耗平餘雜稅存贖鹽當規禮其名不一有此邑有而彼

邑無者有彼邑可裁而此邑斷不能裁者與其號為禁革巧取如常上司可藉以恐嚇屬員小民可藉以控告長吏何如明定章程

立以限制使無所藉口乎惟各省情形不同著該督撫督率藩司將所屬陋規逐一清查應存者存應革者革勿博寬厚之名勿為

窳刻之舉務各秉公詳議期於久遠可行或以此之有餘補彼之不足俾府廳州縣足敷辦公而止奏定之後通行飭諭如再有以

陋規為詞於此外多取於民者一經發覺即行從重治罪不稍寬貸庶廉吏得以措施貪人無從影射此係朕恤吏之心正所以愛

民之意名實不消吏治清而民生自厚矣○諭向例和碩親王嫡出之子年及歲時封以未入八分公博親王之子奕續雖未及歲

係伊嫡出之子著加恩將奕續封爲未入八分公本月十六日俟釋服後卽賞給頭品頂戴雙眼花翎○諭軍機大臣等本日據斌靜等奏迭犯蘇蘭奇等聚眾滋事前經色普徵額勒斃並生擒一百餘名餘眾二百餘名已竄出卡外見在所調葉爾羌頭起官兵一百五十名已到派員督帶星馳赴營其二起官兵一百五十名斌靜留守城池色普徵額督帶葉爾羌官兵及索倫錫伯伯克回兵進山追捕並訊據活賊安集延回子邁理特里提普供稱張格爾於本年五月內曾向霍罕伯克愛瑪爾借兵來搶喀什噶爾未允遂糾同蘇蘭奇並圖爾第邁莫特之子胡則會集三百餘人前來滋事將圖舒克塔什卡倫城池燒毀賊害副護軍參領音德布並滿兵十三名餘丁一名王斯圖阿爾圖什六品阿奇木伯克阿布都爾濟亦被賊害等語慶祥接奉前旨自己帶兵星馳前往相機剿捕惟是蘇蘭奇係布魯特比因何還爾生心謀爲不軌欲占據喀什噶爾城池其中必有起釁根由薩木克之事傳聞異詞張格爾是否果係薩木克之子虛實未定圖爾第邁莫特前因孜牙墩謀逆案內凌遲處死其子胡則數年來逃往何處此次帶兵前來其意可知慶祥到彼均逐細察訪明確據實速奏至斌靜前調葉爾羌官兵三百名原爲剿賊今僅令一半隨同色普徵額前往追捕以一半留守城池城池固係緊要但本城自有官兵防守看來斌靜竟係怯懦無能留以自衛設色普徵額兵力單弱致有挫失殊於國體攸關慶祥一到當鼓勵將弁兵丁迅掃賊氛以靖邊圉勉之其守卡副護軍參領音德布及滿兵伯克等查明實係禦賊被戕卽行奏請恩施○起松筠爲左副都御史○乙丑諭朕元妃鈕祜祿氏應追封爲皇后所有應行典禮該衙門察例具奏○丙寅諭軍機大臣等據慶祥奏喀什噶爾卡倫外布魯特滋事豫派官兵一摺此事前據斌靜奏到已兩次降旨諭令慶祥前往查辦矣斌靜原奏內稱係蘇蘭奇串通張格爾滋事蘇蘭奇係阿瓦勒之孫博碩輝之子阿瓦勒在乾隆三十年平定烏什叛回時曾經出力博碩輝並會賞給二品翎頂蘇蘭奇襲職受封安居已久何以此次忽萌異心且僅有眾三百人遽思搶掠城池謀爲不軌亦覺太不自量恐斌靜前奏尙多不實不盡慶祥須詳加訪察並訊獲賊供詞如內地官兵有激變情事或有起釁之由卽行據實參奏不可稍有隱飾又前奏稱有西布察克愛曼布魯特比拜呢雅爾伊里斯莫特等前來告求助剿其情是真是僞亦不可不防慶祥到彼後察看大局相機妥辦擒緝賊首解散脅從勿妄殺戮以安眾心而靖邊圉是爲至要○調岳齡安爲陝西布政使徐所爲山東布政使○調童槐爲湖北按察使琦善爲山東按察使斌良爲河南按察使陳廷桂爲陝西按察使補○丁卯諭嗣後皇子之哈哈珠色行走五年期滿遇有揀選藍翎侍衛准其送挑此次挑選侍衛惇親王瑞親王皇長子之哈哈珠色八人內准挑送困人至皇孫之哈哈珠色四人內准挑送二人著爲令○己巳 上詣 大行皇帝几筵前行大祭禮 上居咸福宮苦次自是間日親臨奠獻奉 皇太后居景仁宮每日問 安○諭朕久聞外省地方官浮收勒折科斂民財日甚一日而總以俸廉坐扣不敷辦公爲詞朕無恤黎元豈能置之不問然不戒視成遠繩之以法則地方官之辦公竭蹶亦不免苦累是以昨降諭旨令各該

督撫將所屬陋規逐一清查應存者存應革者革期於久遠可行此朕愛民之心不能不兼以恤吏也然立法伊始尤當計及萬全稍一不慎其後必滋流弊各省地方情形不同其所取陋規亦名目不一而地方官每歲辦公之費又視乎其缺之繁簡總在該督撫藩司悉心查覈就各府州縣情形通盤籌畫須知朕此次降旨交議之意原因愛惜民力爲閭閻多留蓋藏非爲不肖有司頭會其斂取贏於民也凡議存之項必當酌盈劑虛上無傷乎國體下悉協乎輿情祇期該地方官足敷辦公而止於平日濫收溢取之數有所減無所增方爲允協國家取民之道一絲一粟皆有常制此次議存之款因其相沿已久名爲例禁其實無人不取無地不然而其私以取之何如明以與之且示以限制使此後不敢加增若該地方官視此爲分內應得之項復於此外設法巧取更或以奉旨准取陋規因之竭民脂膏益無顧忌該督撫不加查察則與朕意大相逕庭朕非姑息之主必當執法懲治不稍寬貸各督撫受國重寄當爲百姓計及久長使官吏共飭廉隅小民永免駭削方爲不負委任慎勿苟且塞責或畏難推諉一聽掩耳盜鈴於民生日做吏治日偷皆漠然不一動念其各仰體朕意力矢公忠詳查妥議具奏○庚午 上始御西廠帳次引見官員○詔開鄉會恩科於道光元年舉行鄉試二年舉行會試○王申改江南邵伯汛把總爲千總移把總歸三江營管轄揚州營駐防外委駐馬家橋添設馬家橋北壩汛外委二水北汛額外外委一○癸酉諭軍機大臣會同翰林院戶部工部議覆御史陳鴻條奏繕進經史講義及興修水利營田二事輪班繕進經史講義行之日久徒成具文無補實政所駁甚是至興修營田水利雍正年間於近京設局經理會著有成效農田爲足食之本而溝洫之利尤大使漕漑有資宣洩有備即閒值水旱可資救禦若能於北省多闢水田兼收南方抗稻之利實於民生有裨所有直隸境內著方受囑飭委委員相度各河淀水勢做照雍正年間成規設法經理並多方勸導使水田歲有增壟收穫漸多則小民必樂於從事其山東山西河南並著該督撫各就境內一體籌畫其可以經理水田之處各勸諭農民次第興舉需之歲月以觀其成不可視爲具文用副朕惠民重食至意○丁丑諭軍機大臣會同宗人府刑部審擬豫親王裕興強姦使女寅格自縊身死一案國家法令王公與庶民所共強姦已成致斃人命罪犯至重裕興身係宗室襲爵親王乃不自愛惜恣意妄爲大干法紀若從末減則齊民犯此者又將何以治之且當國服未除親喪未滿之日而裕興輒動於惡不忠不孝罪孰大焉朕不得已不能不執法懲治著照永錫等所擬裕興即革去王爵交宗人府折圈空至三年期滿釋放餘俱照擬完結其承襲豫親王著交宗人府照例辦理○戊寅 上詣觀德殿 大行皇帝几筵前行再周月祭禮○追封長公主爲端悃固倫公主○命督撫切實奏保文武員弁○壬午諭提督楊遇春屢著勞績忠悃可嘉著賞給太子少保銜並賞戴雙眼花翎○是月加賑河南睢州等七州縣縣水災並給睢州等四州縣一月口糧貸陝西永壽電災籽種蠲緩河南睢州等九州縣新舊額賦有差

道光庚午續錄二

冬十月甲申頒發各省陳設器玩等貢○丙戌諭稽查三庫御史係近年所設是否有益並著軍機大臣會同都察院議奏尋議戶

部三庫向由江南道御史輪往稽查嘉慶十五年御史由青頭領奏請每庫各派御史一員限同文收部議准行

部三庫向由江南道御史輪往稽查嘉慶二十五年御史柏清額奏請每庫各派御史一員眼同收放部議准行今若裁撤仍歸江南道御史稽查恐事無專責請三庫仍派滿漢科道各一員稽查按年更換報可○裁稽查軍機處御史○丁亥諭近日風氣競尚

浮夸國家定制凡婚葬祭祀官員士庶各有一定規制若以侈靡互相誇詡動致非禮僭越其有關於風俗人心者甚大亟宜嚴申

禁令將民間婚喪等事悉照會典規條刊諭務令祇遵不得習尚浮華以副朕敦本務實至意○諭本日降旨派出守護 昌陵大

臣內尚書景安蘇楞額並無過失因念伊二人俱年近八旬若令辦理部務恐精神不能周到或致因公獲咎轉非保全之道伊二

人俱受 皇考深恩俾得依侍 橋山藉伸忱悃想伊等自必知感也○戊子調英和為戶部尚書那彥成為吏部尚書穆克登額

為工部尚書以普恭為禮部尚書松筠為左都御史由吏部調○以和世泰為理藩院尚書由總管內務府大臣調○己丑以故追封郡王貝

勒縣勲孫鎮國將軍載銳襲貝勒○庚寅再撥部庫銀六十萬兩備河南集封工需○申禁河務積弊○辛卯鑄道光錢○乙未命

已革吏部右侍郎周系英來京以四品京堂候補○免齊齊哈爾等處被水額賦○丙申實授繼昌廣西布政使○丁酉以已革豫

親王裕興弟裕全襲爵○庚子移四川成縣龍茂道駐成都兼管水利○除江南狼山鎮坍沒牧馬地賦○以凱音布為左副都御

史補戶部主事○甲辰恭上 大行皇帝尊諡 廟號翌日頒詔天下覃恩有差○諭儀親王成親王係朕之伯年齒亦高嗣後

尋常召對及三年後內廷宴賓均無庸叩拜至坤寧宮賜食祭肉於朕前亦不必隨服叩拜遇有賞賜物件具摺謝恩不必當面叩

首二王伯無得謙抑過當反失朕心○改雲南騰越州為直隸廳○丙午諭軍機大臣六部議覆整飭部務條陳一摺所議甚是六

部律令務在持其大綱則政清而易理外省庶務原皆責成於地方官此在督撫分別賢能庸劣舉錯公明自收得人之效其或不

效則督撫豈能辭咎部中多立科條州縣無日不奉行具文轉荒其教養不務於事何益而公罪繁多賢吏或因此廢黜不肖者巧

於規避部書得以舞文納賄皆由於此嘉慶十八年會 敕吏兵二部刪減例條該部未能實力遵行又 諭題調要缺不計因公

處分而該部續議章程仍多牽混殊不知公罪從嚴則中材以下之官益多巧避嚴其經徵處分則多墊欠而新掩舊即成虧空

嚴其承緝處分則多諱盜而縱惡養姦轉貽大患故曰徒法不能以自行著吏兵二部各將處分則例悉心確覈於各條下皆註明

公罪私罪字樣其公罪有至降調革職非事關重大者酌改從寬各部煩苛無當處分例文互商裁汰務歸簡明其公罪處分除盜

案及正項錢糧停升外餘皆不望推升至題調要缺則一切因公處分皆無庸計算各纂成例冊呈覽至六部事務繁繁一事到部

無論題奏各行皆當細心確覈固不當遲延積壓亦斷不能各限以五日而畢堂官不能每日全行進署若有緊要事件禁止私宅

稟商勢必坐待以致延誤除弊之道殊不在此○戊申 上詣觀德殿 仁宗睿皇帝几筵前行三周月祭禮○庚戌諭從前軍機

處滿漢章京皆由軍機大臣於內閣等衙門傳取嘉慶四年改由內閣六部理藩院保送引見嗣後將保送人員先令軍機大臣考

試分別去取帶領引見其記名者挨次傳補立法至為允當惟大員子弟設有回避之例殊可不必防弊之道初不在此如大員子

弟有挑入軍機處者藉以學習教政未嘗不可造就人材嗣後保送軍機章京著無庸回遞大員子弟其軍機章京有升通政司副使大理寺少卿及補授科道者即回本衙門行走若仍照舊例行○是月賑江南海州安徽泗州等八州縣及屯衛水災旱災給浙江蕭山等三十三縣貧民口糧並修屋費

十一月甲寅朔諭軍機大臣等軍機大臣會同兵部議覆裁減名糧條陳一摺國家爲民設兵民出賦稅以養兵兵任操防以衛民其事相權而行我朝百數十年以來具有常制而兵額歷有增添裁減乾隆四十六年添設武職養廉案內將從前虛缺名糧纂募實兵計增兵六萬餘名其數較多歷今三十餘年帑項多用於四千餘萬嘉慶十九年會 敕下各省酌加裁減維時山西等省共

裁兵一萬五千四百餘名又改馬戰兵爲步守兵一千二百餘名每歲經費視乾隆年間所添者節減四分之一此因各省除夷衝僻邊腹情形不一事關數十年亦復今昔異宜此時若悉復乾隆年間未添名糧原額其是否可行原難懸揣然各省見在額兵六十餘萬據所請汰歸所添之半亦僅百分之二豈無可以抽裁之處著交該督撫詳察地方情形無論差操各兵凡在可省者酌加裁減不必留冗兵以糜餉亦不可因節費而裁有用之兵各悉心覈定妥議具奏○丙辰 上詣觀德殿 仁宗睿皇帝凡筵前行

百日大祭禮釋縞素○免直隸玉田等三縣建蓋行宮地畝銀米○庚申召趙文鴻來京以陶澍爲山西按察使由四川○召章凱來京以潘承辰爲廣西按察使由雲南○辛酉免兩淮節年未解玉貢折價銀一百六十餘萬兩並展緩積欠各款○乙丑 上

奉 皇太后居 壽康宮問 安視膳自是以爲常○丙寅 上詣觀德殿 仁宗睿皇帝凡筵前行冬至大祭禮○戊辰召陳桂生來京以魏元煜爲江蘇巡撫由雲南○召李堯棟來京以左輔爲湖南巡撫由雲南○己巳以程祖洛爲湖南布政使葉世倬爲江西按察使由雲南○以汪如淵爲廣東布政使由雲南○裁貴州興義府歸化廳屬土外委土守備○辛未申諭姚祖同

迅挑河南儀封引河○壬申賜昌伊蘇等三十七人武進士及第出身有差○諭武科規制於馬步射之外試以開弓舞刀擲石以驗技勇由來已久嗣於嘉慶十八年議令滿洲蒙古旗人與漢軍旗人一體應試滿洲蒙古舊例止試馬步射硬弓遂將舞刀事一律停止今思技勇內既有舞刀一項滿洲蒙古士子自應一體練習亦不迫以時日著自道光三年爲始凡滿洲蒙古漢軍旗人

之應童試者俱仍試以舞刀至五年鄉試六年會試均已嫺熟一體考試以復舊制○癸酉以松筠爲熱河都統誠安爲左都御史由熱河○甲戌以誠安爲鑲紅旗漢軍都統文字爲左都御史調那清安爲工部右侍郎那彥寶爲刑部左侍郎以常英爲理藩院右侍郎由太常寺○添建廣東三水縣蘆包汛卡撥前山營外委駐守○予內閣六部行走正途人員正俸○丁丑諭侍講學士顧

毓奏松筠宜仍置左右一摺狂謬怪誕已極朕擢松筠於降謫之餘先用爲左都御史又任以熱河都統量能授職自有權衡何分內外乃顧毓以爲擅任左都御史之日羣臣慶於朝萬民忭於野松筠何足以致之若簡放熱河都統乃使之爲國宣力顧毓以爲雖予重大之任若有疏違之心則尤爲信口亂言矣甚至稱或疑其意氣之懣致拂聖聰或疑其攻擊之嚴致遭厭忌無論朕虛懷

納諫從不以直言爲忤且松筠月餘以來亦實無犯顏極諫之事其於內外臣工更無私毀私譽若以此致疑豈舉朝滿漢大臣除

松筠而外均爲讒詔容悅之人乎摺內又稱見雖大開言路然各部交議者多被斥駁外省飭查者曲致彌縫欲使朕疑言者之多

誣冀言者之少息如此謗訕尤出情理之外朕於臣工陳奏事件是者立見施行非者存而不論其介乎可否之聞者往往交議以

定從違若如顧純之言凡交議者一槩不許駁正是朝廷政事不論是非曲直一皆決於言官必將大開門戶黨援之習紊亂朝綱

國是尙可問乎用人行政乃朝廷之大柄顧純以小臣妄言干預似此風斷斷不可長著交部嚴加議處以示懲儆○諭奏承業奏

爲伊高祖母陳請旌表一摺奏承業高祖母方氏當明末寇掠全家奔避方氏年二十有一自縫衣履投杼捐軀洵屬貞烈可嘉著

加恩准予旌表以闡幽光○戊寅召祥泰來京以廣惠爲直隸按察使由江西廣德○以童槐爲通政使司副使盧坤爲湖北按察

使由山東兗州○庚辰諭軍機大臣等據慶祥奏查明張格爾糾同蘇蘭奇等謀逆大槩情形一摺此案逆裔張格爾欲圖搶復喀

什噶爾與蘇蘭奇潛通信息糾結謀逆蘇蘭奇等欲回厥旨首先接應燒毀卡倫殘害官兵是該逆等八蓄逆謀尙無激變枉殺情事

見在賊氛四散餘黨藏擒惟有張格爾蘇蘭奇竄逸未獲斷無有因一二通賊帶領大兵深入夷地窮追大索之理慶祥所辦甚是

卽曉諭厥伯克及布噶特安集延等協力訪拏並懸賞購獲設法誘擒以正刑誅而靖邊圉其守卡官兵及伯克等與賊被戕深堪

憫惻副護軍參領音德布及卡倫滿洲兵十三名餘丁一名在途被戕滿洲兵二名探信被害綠營兵二名著該將軍卽行查明咨

部照陣亡例賜卹以慰忠魂至伯克阿布都爾滿於該逆滋事時首先稟報被戕拏獲抗言不屈致被戕害深知大義著慶祥查明

從前回子伯克內有效忠盡節者曾作何褒卹並應給伊子何職援照奏請施恩再降諭旨又另摺參奏斌靜被厥伯克公同控告

行止不端並回務章京緩善廢員賈柄與斌靜家人張得幅結拜弟兄倚勢婪索陵辱伯克等款朕早已料及實爲可惡大千法紀

斌靜緩善均著革職拿問交慶祥嚴行審訊其家人張得幅已經該將軍截留帶回廢員賈柄另降諭旨飭拏迅速解往慶祥卽提

同人證徹底嚴究務將所控各款逐一訊明按律定擬具奏不可稍有寬縱其色布徵領於此案如有關涉即著歸案審辦○於

帶兵時辦理粗疏此時且暫緩交議俟定案時聲明再降諭旨○免兩浙節年未解玉貢折價銀四十五萬兩○辛巳普恭爲江

甯將軍穆克登額署禮部尙書工部尙書○召恒敏來京以額特布爲江甯布政使降補員

十二月甲申恭上 皇太后徽號曰 恭慈皇太后翌日頒詔天下覃恩有差○丙戌免各省湖廣兵丁追繳長支銀兩○准番役

子孫應武試仕武職○以和世泰爲福州將軍晉昌爲理藩院尙書由吏部○丁亥董教增以疾免調慶保爲閩浙總督以吏致光

爲雲貴總督調韓克均爲雲南巡撫起顏檢爲福建巡撫外郎部員○舒靈阿以疾免以唐仲冕爲福建按察使補江蘇候補○戊子